



Projet promovût di 'Il Friuli' e 'ARLeF'

**TANT PAR RIDI**

**Sâstu, Pierino, vuê al è il prin dal an e si butin vie lis robis vecjis.**  
 "Ah, alore mame, vino mighe di butâ vie la none?"

**LIS AVENTURIS DI VIGJI**

**DISCARTOSSÂ I REGÂI**


Aes nûf di matine de di di Nadâl, cuant che e veve sunât la svearine, vie ducj a cori intal tinel a viodi se Barbe Nadâl al jere passât. E ce maravee scuvierzi che ancje par Daria al jere alc sot dal arbul ancje se no i veve mandât nuie! Vigji, dut content, si jere inacuart che sot dal arbul al jere alc ancje par lui... Ma bisugnave spietâ i turnis



di anzianitât par vierzi i pacuts: il prin a discartossâ al jere simpri Roberto che al veve cjatade une bieie golarine di podê screâ propit a Messe Grande; par secont Mauro, fradi plui grant di Daria, che al veve cjatât un biel pâr di ocjâi di soreli di meti sù su la nêf o in biciclete; Daria e veve cjatât invezit un profum di chei bogns! Ultin a discartossâ, cun tante braûre, al jere stât Vigji che si jere judât cu lis ongulis par sbregâ la cjarte di pacs. Cun tante ligrie al veve cjatât un biel argagn par podê fâsi lis ongulis in sante pâs, cence scugnî sgrifignâ puartis, cjadreis, sofâ, cussins e vie indevant! Come se nol bastàs, i veve lassât ancje un biel vistidut di Barbe Nadâl fat su la sô misure, di screâ propit ta chê zornade di fieste e pal ultin dal an.

(Al va indenant...)

**ZÛCS** - Tra il prin e il secont dissen a son cinc diferencis. Cualis? Cirilis!



Fruts, al torne Maman! cuntune gnove stagjon... Us din apontament a Zenâr cun tantis sorpresis!

su **telefriuli**

**ARLeF** AGENZIE REGIONÂL PE LENGHE FURLANE

**Gnove stagjon!**

Prime pontade vinars ai 12 di Zenâr dal 2018 aes 17.45

**LU SAVEVISO CHE...?**

Il Friûl-Vignesie Julie al è une regjon di presepis. Di fat, intal periodi di Nadâl, il teritori regjonâl si trasforme intun grant itinerari che al ufris plui di tresinte oparis di art sparnicadis in passe 150 localitâts: presepis granj o piçui, tradizionai o rivisitâts, statics o vivents, piturâts sui claps o sul len, o fats cun tancj materiâi diferents tant che il savalon o la blave.

**LA DETULE DAL DÌ**  
**NADÂL CUL SORELI, PASCHE CUL FÛC**

**CJANTIS, FILASTROCJIS, POESIS**

**I MÊS DAL AN**

Blanc e frêt al è Zenâr  
 E glaçât al è Fevrâr.  
 Al è Març content e al rit  
 Cun Avril al è dut florît.  
 Mai si da un gran dafâ,  
 al ven Jugn a seselâ.  
 Lui di cjalt al à gran voie  
 E l'Avost po si scjafoie.  
 Cun Setembar palidin  
 Al è Otubar a fâ il vin  
 Novembar al à malinconie  
 E Dicembar le mande vie  
 (Ada Sargenti Liva,  
 in "Leterature pai fruts", SFF)



Pagjinis curadis di Daria Miani  
 Consulence linguistiche de ARLeF



**RICETIS - Master Cogo Furlan**

**LIS LINTS DAL ULTIN DAL AN**

Par preparâ lis lints dal ultin dal an o vês



dibisugne di:

- 250 grams di lints
- 3 sedons di vueli di ulive
- 2 ramuts di osmarin
- 25 grams di sâl
- 2 spics di ai
- 2 sedons di pomodoro concentrât

Pevar neri masanât, ce che al covente Mi racomandi, prime di scomençâ: lavaiti simpri lis mans; metêt lis manecis, un grumâl intor par no sporcjâsi, un cjapiel di cogo par no

pierdi cjavei inte pignate, e fasêsi simpri judâ di un grant par ducj i passaçs.  
 Sêso pronti? Alore scomencin!  
 Fasêt dismolâ lis lints te aghe par dôs oris.

Resentait lis lints. Metêtli intune pignate cuntun ramut di osmarin e un spic di ai scussât. Zontait aghe frede e fasêt boli lis lints par un cuart di ore. Sgotaitlis. Intant, masanait lis risclis di osmarin vanzadis cul secont spic di ai. Cuan che lis lints a saran prontis, scjalterit ce che o vês masanât cul vueli di ulive. Zontait ancje lis lints. Fasêt cuei par cualchi minût, messedant, fintremai che la aghe no si sarâ suide dal dut.

Imagjin gjavade dal sît: <http://www.buttalapasta.it>




"Free & Ulli - A plene panze" - Patrizia Geremia - Futura Edizioni



"99 Peraulis. Fovelâ cul mont. Parlare col mondo. Talking to the world", di Silvana Schiavi Fachin, Futura edizioni, realizât in colaborazion cun ARLeF

**Il labirint**

Jude Marco e Giulia a tornâ a cjatâsi, cjtant la strade juste che a àn di fâ.



**Piture li che a son i ponts**

Jemplait i spazis segnâts cul pont neri.

